

1 Timoteo

1 Pau²lah³lo²na¹xai²na² ũ³wha²li¹le¹nxa²ha¹wa².
 Je³su² Kris²tu³jah¹la² ĩ³sa²si¹hã³ũ¹sa²jah¹lo²sa¹wa².
 Je³su² Kris²tu³jah¹lai²na² wãn³txa²
 ĩ³hen³txi³si¹ha¹jau³su² ĩ³sa²si¹hã³ũ¹sa²na²hẽ³la².
 Txa²wã¹sũ³nu²kxai³lu² txa²wã¹ẽ¹na²
 sa²hau³ko³tẽ³jah¹la² ĩ³kwa³na³sai¹ni² Je³su²
 Kris²tu³jah¹la² wah³nxe³ki³jah¹la² ĩ³kwa³na³sai¹ni²
 nxe³sain¹na²hẽ³la².

2 Nxe³na¹jut³su² Ti³mo²jah³lo²si¹nha²kxai³
 ain³kxi²sẽ¹la². Txa²wã¹sũ³na² wãn³txa²
 ain³kxi²sa¹nha²kxai³ txa²wẽ³sũ³te²si¹lxa².
 Nxe³ha²kxai³ Txa²wã¹sũ³na² Si³yxau³jah¹la²
 Txa²wã¹wĩ³nu²su² ha²kxai³ Je³su² Kris²tu³jah¹la²
 Txa²wã¹hxi²kan¹ta² Si³yxau³jah¹lo²su² ha²kxai³
 nxe³ya³sxã³ kãin² thãi³ti³la² a³li²nxa²si¹hi²
 wi¹lhin¹sxã³ thãi³ti³la² sa²hau³ko³txa²si¹hi²
 wxa²nxũ²kwai³nãu³a² ã³nhãu²no³txa²si¹hi²
 nxe³nxa²si¹jau³su² ten³sa³nha²wa².

Wãn³txa²ki³han³jau³su² ĩ³tih³nxe³nyhain¹jau³su²

3-4 Nxe³ha²kxai³ Ma³se³to²na²ko³xa² ai³te³lhxã³
 nxa¹hĩ¹nai³tã² e³kxi¹nxa²ha¹tai¹ti²tu³wa².

Nxe³nxa²ha¹te³nah¹lxĩ¹:

— E²fe³so³thĩ³na²

hãĩ¹sxã³

yxau³sẽ¹li¹.

A²nũ²a² ĩ²li³te²a² wãn³txa² ki³han³jau³xa²

ĩ³tih³nxe³nyhai¹nha³tai¹.

Nxe³te²a² ha³ya³kxa²

o²la³kxain¹si¹hin¹jau³su²

ĩ³ye³kxi¹tai¹nhẽ³li¹.

Wãn³txa² ki³han³jau³su²

jau³xa² ã³na¹i²

wxa²wĩ³na²nãu³xu¹tai²na²

he¹ta¹hxai²hẽ¹li¹.

Nxe³jau³xai²na²

ya²la³tu³txa³kxai²nãn²tu³

ã³na¹ⁱ² nxe³ain¹si¹hin¹jau³su² ã³ye³kxi¹tai¹nhẽ³li¹.
 Nxe³jau³xai²li² a²ẽ¹nãu³ai²na² hxi²kan¹txi³
 yxo²ⁱ²ki³jau³sxa³wa². Yxã¹ta¹ Txa²wã¹sũ³na²
 wãn³txa² so¹lxi³ hxi²kan¹txi³ yxo²ⁱ²ki³jau³xai²la¹wa².

5 Nxe³sxã³ wain³txi³ ã³tih³nxain¹ki³kxai²nãn²tu³
 a²ẽ¹nãu³ai²na² wi¹lhin¹ju³ta² so¹lxi³ yũ³ha²kxai³
 wain³ye¹nxa²ju³ta² so¹lxi³ kãi³ha²kxai³
 Je³su²jah³la² txa²wã¹ẽ¹nãu³a² sa²hau³ko³tẽ³ju³ta²
 yxo²ⁱ²ha²kxai³ ai¹nhĩ³nx2na³la². Ain¹kxai²nãn²tu³
 a³lxi²waun¹nyhu¹ki³ju³ta² ã²la² kãi²nhĩ³nx2na³la².
 Ju¹tai²li² ten³sa³nha²wa².

6 Yxã¹ta¹ a²nũ²a² ã²lj³te²a² wãn³txa²
 toh³lxi³jau³xa² ain³so¹ain¹ka³tu³ wãn³txi³khai³xa²
 sa²kxai³lu² ã³na¹ain¹na²hẽ³la². Kwa²toh³lxi³jau³xa²
 ã³tih³nxain¹te²ju²hẽ³la².

7 Nxe³sxã³:

— Moi³se²ah³lu¹tai²na² wha²li¹txã³nxu¹tai²na²
 wãn³txa² ã³tih³nxex³jah¹lo²sa¹wi¹. Nxain¹na³la².
 Nxe³yãn¹ta¹ jau¹xai²na² ã³tih³nxain¹jau³xai²na²
 a³la³kxai¹nxa³ha²kxai³ a²si³yxau³tãu³a²
 ain³nha²nxa³ha²kxai³ nxe³ain¹na³la².

8 Ai¹nha²kxai³ Moi³se²ah³lu¹tai²na²
 wãn³txa² ã³tih³nxain¹jau³xu¹tai²na² wain³txi³
 sa²yxu²we¹tain¹kxai²nãn²tu³ wi¹te²ju²hẽ³la².

9 Yxã¹ta¹ wi¹lhin¹tũ³ka³txi³ki³nãu¹xai²na²
 ã³tih³nxex³nẽ³jau³sxa³wa². Yxã¹ta¹ a²nũ²a²
 ko³nxex³ti³ kãi³te²su² te²na² Txa²wã¹sũ³na²
 ã³xã³ta³kxain¹te²su² te²na² a²ẽ¹nãu³ai²na²
 ã³ne³wã³nũ³ta³kxi²te²su² te²na² Txa²wã¹sũ³na²
 sa²nãn¹kxi²nxa³te²su² te²na² Txa²wã¹sũ³na²
 ko³nxex³ti³ e³kxi²te²su² te²na² a²wĩ³nu²su² ta³nxa²
 a²hã³ka³nũ²su² ta³nxa² ã³xã³ta³kxain¹te²su² te²na²

a²nũ²a² su²lhã³nyhu¹ki³te²su² te²na² nxe³te²a²
 yxo²ha³kxa¹ Txa²wã¹sũ³na² ã³kwa³na³nẽ³jau³xai³tã²
 ã³tih³nxe³jau³nũ³ai²la¹wa².

10 Te²yã¹nxe³sxã³tũ¹ka³txa² te²yã¹xain¹nũn³na³la².
 Kuh³lxa³thin¹khaix¹te²su² te²na² in³txi³su²
 ta³nxa² txu¹su² ta³nxa² kuh³lxa³thin¹sxã³
 ã³whĩn¹ta³kxi²nyhu¹ki³te²su² te²na² a²nũ²a² ã³xa²
 nũ³kxũn³txi³ kã³so¹sxã³ kwa²wa³kon³kxi²si¹jau³su²
 kwa³na³te²su² te²na² ã³ki³ha¹kxi²te²su² te²na²
 a²nũ²a² ã³ki³ha¹kxi²sxã³ kq³nxe³ti³ e³kxi²nyhu¹te²su²
 te²na² wi¹lhin¹jau³xa² yxo²kwĩn¹kxi²te²su² te²na²
 nxe³te²a² yxo²ha³kxa¹ Moi³se²ah³lu¹tai²na²
 wãn³txu¹tai²na² ã³tih³nxe³jau³xai²la¹wa².
 Nxe³jau³xai²na² yxo²ha³kxa¹ a²nũ²a² wi¹lhin¹te²a²
 ã³la² sa²yxo²we¹tain¹te²ju²hẽ³la².

11 Yxãn¹ta¹ wãn³txa² wxi²kin³ti³ton³khaix¹si¹nhẽ³jau³su²
 yũ³na¹wa². Nxe³jau³xai²na² Txa²wã¹sũ³na²
 Wi¹lhin¹ta² Si³yxau³jah¹la² ã³hũ¹sa²jau³xai²la¹wa².
 Txa²wã¹ẽ¹nãu³ai²na² sa²hau³ko³tũ¹nhẽ³jau³xai²la¹wa².
 ã³tih³nxe³nxa²ha¹jau³xai³ta³lxa²na³la².

Je³su² Kris²tu³jah¹la² sa²nẽn¹kxi²jau³su²

12 Nxa²ha¹te¹ Je³su² Kris²tu³jah¹la²
 Txa²wã¹hxi²kan¹ta² Si³yxau³jah¹lo²su² ha²kxai³
 sa²nẽn¹kxi²to³ha¹wa². ã³nũ³kxũn³txi³sai¹nha²kxai³
 ya³nãn³ta³ki²la²sxã³ wi¹kã³a¹kxe³su²
 nxe³ye²sa²jau³su² ã³kaix¹so¹sai¹nha²kxai³
 nxe³sain¹na²hẽ³la². Sũ³na² wãn³txa² wi¹jau³xa²
 ã³hen³txi³te³lhxã³ ã³kaix¹so¹sain¹na²hẽ³la².

13 Nxe³na¹hĩ¹nai³kxai³lu² nxe³na¹hẽ³la².
 Txa²wã¹sũ³na² ko³nxe³te²lo³txai¹na¹ha²kxai³
 Je³su²jah³la² a²sa³wi³ha³lxa²khãuh³lxa³tai¹na¹ha²kxai³

nũ³kxũn³txi³ an³txi³ti³hin¹sxã³ o²la³kxi²na¹ha²kxai³
 nxe³na¹hẽ³la². Txa²wã¹sũ³na² wãn³txa²
 ko³nha²nxa³ha²kxai³:

— Wain³txi³ kãi³a¹xã¹. Nxa¹jau³tu³ ko³nxe³ti³
 kãi³a¹hẽ³la². Nxe³na¹kxan²ti³ wi¹lhin¹sxã³ thãi³ti³la²
 sa²hau³kot3sa³na²hẽ³la².

14 Nxe³sa³nũ²la² Je³su² Kris²tu³jah¹lo²kxai³lu²
 thãi³ti³la² a³lxĩ² wa³to²hi²ha²kxai³
 wi¹lhin¹khai¹nxe³ha²kxai³ yxo²i²si¹sain¹jau³su²
 i³yau¹ũ³sai¹ni² a³lxai¹na¹ju³ta³nũ³a² ũ³hũ¹sai¹ni²
 Je³su² Kris²tu³jah¹la² nxe³sa³na²hẽ³la².
 ã³nũ²nxi²sxã³ yxau³a³sa³ha²kxai³ nxe³sa³na²hẽ³la².

15 Nxe³na¹jut3su² Je³su² Kris²tu³jah¹lo²su²
 te²kxai³lu² a²nũ²a² yxo²ha³kxa¹ a²ẽ¹nãu³ai²na²
 sa²hau³ko³txi² ko³nxe³ju³ta² wã³ko³txa³te²tu³
 sa²wa²su¹txi² nxe³te³lhxã³ wxã³na²hẽ³la².
 Nxe³te²jai¹ti²tu³wa². Txai²li² kxã³nxa² ko³nxe³ti³
 kãi³ wa³to²hi² jah¹lo²su² na¹hẽ³la². Ki³han³nxa³wa².
 Wãn³txi³tu³ e³a¹wa².

16 Jã¹nxe³na¹ju³kxai³lu² nxe³na¹kxan²ti³nũ¹
 Txa²wã¹sũ³na² wi¹lhin¹sxã³ thãi³ti³la²
 sa²hau³kot3sa³na²hẽ³la². Sa²ju³tan¹te²kxa³ya³lhu²
 Je³su² Kris²tu³jah¹lo²kxai³lu² ya³nãn³ta³ki²la²ha²kxai³la¹
 txa²ẽ¹nãu³ai²na² sa²hau³kot3sa³na²hẽ³la².
 Nxe³ha²kxai³ nxe³hĩ¹nãn¹te²tu³ a²nũ²a²
 i²li³te²a² yxo²i²kxai²nãn²tu³ ka³te³na² wi¹tãu³a²
 nxe³ti³hi¹tain¹nũn³tu¹wa².

17 Nxe³jut3su² Txa²wã¹sũ³na² so¹lxĩ³
 Txa²wã¹si³yxau³jah¹lai²la¹wa². A²wi¹lhĩ¹nu¹tai²na²
 yen³kxa² yũ²nxa³hĩ¹nũ¹tai²nãn¹te²tu³
 Txa²wã¹sũ³na² yxau²sa²tẽ³jah¹lai²la¹wa².
 Hai³txi³ ya³lu²ju³ta² yũ³jah¹lo²sxa³wa².

ĩ²ki³sxa³hĩ¹nu¹tai²nã¹jah¹lo²su² na³la². Hãi¹nxe²
sa²nẽn¹kxi²yxau²xai³ki³jah¹lo²su² na³la².

18 Nxa²ha¹te¹ Ti³mo²jah³lãi³. Txa²wět3si¹lxa².
Wãn³txa² e³kxi¹nxa²ha¹jau³xai²na²
ain³so¹sẽ¹la². Sa²yo²wet1sẽ¹la².
Kxã³nxai³tã² Txa²wã¹sũ³na² wãn³txa²
e³kxi²tũ³ka³txai²na² e³kxi²nẽ³lain¹jau³xai³tã²
ne³wã²na³txa³hẽ¹la². Ne³wã²na³xan³kxai²nã²tu³
ĩ³nxũ²kwai³lxũ¹txi³nxa²tu¹wa². Nxe³nxa²ha²kxai³
Txa²wã¹sũ³na² wa³ka³li³yu³ta² wain³txi³
o²la³kxin¹tu¹wa².

19 ã³na¹sxã³ yxo²i²nxã²nxa³lho³la².
Wxa²ẽ¹nãu³ai²na² wain³txi³ i³ye³kxi²nha¹tu¹wa².
Nxe³to³ta¹ a²nũ²a² i²li³te²a² Sũ³na² wãn³txai²li²
nxe³wã²na³ai¹nha²kxai³ yxo²i²ain¹ju³ta²
ne³wã²na³ain¹na²hẽ³la².

20 I³me³ne²u²jah¹la² A³le³syã²trah¹la³ nxe³ya³sxã³
te²yã¹nxe² kãi³ain¹na²hẽ³la². Ai¹nha²kxai³
Sa³ta³na²jah¹la² hxi²ka² ũ³hũ¹ai¹na¹hẽ³la².
Nxai¹na¹ha²kxai³ Txa²wã¹sũ³na² a²i³lxa² ko³nxe³ti³
e³kxain¹jau³xa² ã³na¹si¹hai¹na¹jau³sa².

2

Txa²wã¹sũ³na² i³ye³kxi²ki³ju³ta² i³yau¹ũ³jau³su²

1 Ju²ta³la³ nxa²ha¹te¹ Txa²wã¹sũ³na²
e³kxi²yxau²xai³txa²hẽ³la². Nxe²e³kxin¹te³nah¹lxi¹:

— Jah¹lai²li² hxi²ka¹nai¹nxa³wi¹.

Ã³non²ta³kxi¹txai¹nhẽ³li¹. Nxe³ta³nxa²:

— Jah¹lai²li² wi¹ĩ²txai¹nhẽ³li¹. Nxe³ta³nxa²:

— Jah¹la² a²ẽ¹nãu³ai²na² sa²hau³ko³txai¹nhẽ³li¹.

Nxe³ta³nxa²:

— Jah¹lai²li² ã³non²ta³kxai¹nĩn¹tai¹ti²tu³wi¹.
 Wi¹lhin¹khaix¹ni¹lxi¹. Sa²nẽn¹kxi¹nxa²ha¹wi¹.
 Nxe³ta³nxa² nxe³txain¹to³hẽ¹la². A²nũ²a²
 yxo²ha³kxa¹ nxe³nũh¹txai¹nhẽ³la².

2 Nxe³sxã³ kwa³na³nẽ³tũ³ka³txa²
 Txa²wã¹hxi²kan¹ti³nãu³xã² yxo²ha³kxa¹ Sũ³na²
 nxe²e³kxi¹txai¹nhẽ³la². Nxẽ¹kxai²nãn²tu³
 ha³lo²a² sa²hãu²no³ti² txa²wã¹ẽ¹nãu³ai²na²
 sa²hãu²no³ti² nxe³kxai²nãn²tu³ wi¹yxau³hĩ³ki³tã³la².
 Nxẽ¹kxai²nãn²tu³ wi¹lhin¹sxã³ yxau²
 wi¹lhen³txi³nyhu¹sxã³ yxau² nxe³hĩ³ki³tã³la².

3 Nxe³ki³kxai²nãn²tu³ wi¹lhĩ³nx2na³la².
 Txa²wã¹sũ³na²kxai³lu² txa²wã¹ẽ¹nãu³ai²na²
 sa²hau³ko³tẽ³jah¹la²kxai³lu² ka³lih³khai¹nxe³hĩ³nx2na³la².

4 Nxe³ha²kxai³ a²nũ²a² yxo²ha³kxa¹ a²ko³nxe³ju³ta²
 wxa²wa²su¹txũ¹hai¹ni² wãn³txa² ya²la³lyau³xa²
 a³la³kxi²si¹hai¹ni² nxain¹ju³ta³nũ³a² Txa²wã¹sũ³na²
 a²ten³ju³tai²la¹wa².

5 Txa²wã¹sũ³na² ka³na³ka³na³tã³la².
 Te²yã¹nxe³sxã³ a²nũ²a² ka³na³ka³na³te²a²
 Je³su² Kris²tu³jah¹la² so¹lxi³ a²nũ²nãu³xai²na²
 Txa²wã¹sũ³na² yen³nãu³a²ĩ²sa²si³tẽ³kxi²nẽ³jah¹lai²la¹wa².
 A²nũ²a² ã³xa² hxi²kan¹te²sxa³yu²hẽ³la².

6 A²nxe³jah¹la² wã²nxũ¹hĩ²nha²sxã³
 ya³lu²kxi²nẽ³ta¹hxai²ti³ai¹ti²tu³wa². Nxe³jau³xai²li²
 ha³lo²a² ã³nhou³ko³thĩ¹nai³tã² Txa²wã¹sũ³na²
 sa²kxai³lu² a²nũ²nãu³xa² hã¹nxe³ti³xa¹
 wã³ko³nxa³te²tu³ ĩ³yau¹ũ³nhẽ³te³lhxã³
 ta¹hxai²ti³ai¹ti²tu³wa².

7 A²nxe³jau³xai²na² ĩ³yau¹ũ¹hain¹te³lhxã³
 ĩ³kaix¹so¹sa³na²hẽ³la². Sa³ha²kxai³ a²nũ²a²
 Ju³te²a² nũ³ka³txi³sxa³te²a² a²yxou²ha³kxa¹ wãn³txa²

ya²la³lyau³xa² wãn³txa² yxo²i²si¹nhẽ³lain¹jau³nũ³a²
 i³hen³txi³sa²sãn²nũ²la² i³sa²si¹hã³sa³na²hẽ³la².
 Ki³han³nxa³wa². Wãn³txi³su²i³ye³a¹wa².

8 Jã¹nxe³jut³su² in³txi³nãu³xa² ha³lo²a² i²li³je³na²
 he¹ain¹tãu³a² Txa²wã¹sũ³na² i³ye³kxain¹ju³ta²
 ten³sa³nha²wa². A²ẽ¹nãu³ai²na² wi¹lhi¹nha²kxai³
 wxa²hxi²ka²la¹nha²sxã³ e³kxi²nxain¹ju³ta²
 ten³sa³nha²wa². Jã¹nxe³sxã³ a²ẽ¹nãu³ai²na²
 i³xan³txi³ju³ta² yũ²nxa³ha²kxai³ ko³txi³
 wã²nxũ¹hain³nha²ju³ta² yũ²nxa³ha²kxai³ ain¹ju³ta²
 ten³sa³nha²wa².

9 Te²yã¹nxe³sxã³ txu¹ti³nãu³xa² sa²kxai³lu² wã²la²
 wi¹khaix¹ka³lo³a² ã³whi²kxi²nhain¹kxai²nãn²tu³
 hxi²kan¹jut³sxa³wa². Te²yã¹nxe³sxã³
 kã³ta³kxẽ¹ha² a³lxi²khaix¹tĩh³na² ã³yhxe²ta³hẽ¹nha²
 ta³nxa² ou²ra³ka² a³lxi²ki³ai²na² a²ne³kxi³sa²
 ã³nhe³kũ¹nha² ta³nxa² nxain¹ju³ta²na² whã²na¹
 hxi²kan¹jut³sxa³wa². A²nũ²a² kwa² i²kxain¹sxã³
 i³sa²nẽ¹kxain¹ju³ta² wai³nxa³wa². Yxãn¹ta¹
 wã²la² kwa² wi¹ka³lo³a² wi¹lhau³ko³nha²ka³lo³a²
 wain³na³la².

10 Yxãn¹ta¹ wi¹lhin¹ye²te²a² yen³kxa²
 wi¹lo²la³kxi²kxai²nãn²tu³ ã²la² wai³nhĩ³nx²na³la².

11 Te²yã¹nxe³sxã³ txu¹ha² wãn³txa² wi¹jau³xa²
 i³tih³nxain¹kxai²nãn²tu³ ka³nah²nxe³sxã³ yxau³sxã³
 ain³kxain¹kxai²nãn²tu³ wai³nhĩ³nx²na³la².

12 Yxãn¹ta¹ txu¹sa²te²kxai³lu² in³txa²
 i³tih³nxe³ta³nxa² i³kwa³na³ta³nxa² nxe³ju³ta²na²
 ten³sa²nxa³nha²wa². Wai³nxa³wa². Hã¹sxã³
 ka³nah²nxe³sxã³ yxau³sxain³kxi²kxai²nãn²tu³
 wai³nhĩ³nx²na³la².

13 Nxe³ha²kxai³ a²wi¹lhi¹nu¹ta²kxai³lu²
 A³tãu²ah³lu¹ta²na²txa²nũ²we¹ta¹hxai²ti³ai¹ti²tu³wa².

Hã²wxã³txa³ E²va³ka³lxu¹tai²kxai³lu²
 we¹tũn³ta¹hxai²ti³ai¹ti²tu³wa², Txa²wã¹sũ³na²
 hxi²ka²sa². Hã²wxã³txa³ Sa³ta³na²jah¹lai²na²
 hi²sen³su²ta¹ka³lxi³nu¹ta²kxai³ĩ³ki³ha¹kxi²ta¹hxai²ti³ai¹ti²tu³wa².
 14 Te²yã¹nxe³sxã³ A³tãu²ah³lu¹tai²na² hai³txi³
 ã³ke³tũ¹ta¹hxai²nxa³ti³ai¹ti²tu³wa² Yxã¹ta¹
 txu¹ha³ka³lxai²na² ã³ke³tũ¹ju³tan¹te²kxa³ya³lhu²
 ko³nxe³ti³kãi³ta¹hxai²ti³ai¹ti²tu³wa².
 15 Jã¹nxe³sxã³ wẽ³sa² a³li³lah¹tãu³a²
 txu¹ha² khãuhx3nha²te²jai¹ti²tu³wa². Yxã¹ta¹
 Txa²wã¹sũ³na² wãn³txa² yxo²i²i² a²nũ²a²
 a³lxi²waun¹nyhu¹i² ai¹nha²kxai³ a²ẽ¹nãu³ai²na²
 a²ko³nxe³ju³ta²ã³wa²su¹tu¹wa².

3

Yxo²i²tũ³ka³txa² a²hxi²kan¹te²nãu³xa²

1 Nxa²ha¹te¹ txa²wã¹nũ³ka³txi³ki³na¹xai²na²
 yxo²i²tũ³ka³txi³ki³na¹xai²na² a²hxi²kan¹ti³su²
 ki³ju³ta² ten³ki³kxai²nãn²tu³ wi¹lhĩ³nx2na³la².
 Wai³nhĩ³nx2na³la². Ki³han³nxa³wa².
 2 Nxe³ki³kxai²nãn²tu³ a²hxi²kan¹ti³su²
 ki³ju³ta² ten³ki³kxai²nãn²tu³ wi¹lhĩ³nx2na³la²
 kãin² yũ³ki³sa²kxai³ a²nũ²a² ã³xa² i²li³te²a²
 hxi²kan¹txi³ ko³nxe³ti³ e³kxi²nẽ³lai¹nhĩ³nx2nxa³wa².
 Nxe³nẽ³lai¹nha²kxai³ txu¹ha² ka³na³ka³na³te²a²
 so¹lxi³ tẽ³i² wain³txi³ wã²nxũ¹hãin³nha²
 txa²wã¹o²la³kxi²ki³ju³ta² wain³txi³ kãi³i²
 a²hoh³lxi³su² a²nũ²a² yxo²ha³kxa¹ wi¹le³kxi²
 nxe³nẽ³lhĩ³nx2na³la². Te²yã¹nxe³sxã³ a²nũ²a²
 u²lxi³ wxã³kxai²nãn²tu³ wi¹lhĩ³sxã³ yain³txa²
 wã²nhũ¹hĩ³ki³tã³la². Te²yã¹nxe³sxã³ wãn³txa²

ã³ne³wxe²nxa³te²a² wxã³kxai²nãn²tu³ hxi²kan¹txi³
ĩ³yau¹ũ³hĩn³ki³tã³la².

3 Jã¹nxe³ju³kxai³lu² yain³jau³xa² ũn³jau³xa²
ĩ³na²sxã³ wen¹ki³sxa³ha²kxai³ txa²wã¹nũ³ka³txa²
kwa² ã³nhe¹kxi²nyhu¹ki³sxa³ha²kxai³
nxe³hĩ³ki³tã³la². Te²yã¹nxe³sxã³ a²nũ²a²
hã¹nxe³ti³xa¹ wi¹lhin¹sxã³ ĩ²ha²kxai³ hãu²non³sxã³
yxau³ha²kxai³ yen³kxa² yxo²kwain³nẽ³lxa³ha²kxai³
nxe³hĩ³ki³tã³la².

4 Te²yã¹nxe³sxã³ txa²wã¹xi²ha² yxau³tũ³ka³txa²
yxo²ha³kxa¹ hxi²kan¹txi³ hau³kot3sĩ³ki³tã³la².
Txa²wã¹wẽ³ha³lxa² wain³txi³ ĩ³tih³nxe³ki³sa²kxai³
wain³txi³ sa²yxo²we¹tẽ³lai¹nhĩ³nx2na³la².

5 Nxe³ha²kxai³ txa²wã¹wẽ³ha³lxa²
hxi²kan¹txi³ hau³ko³ki³sxa³kxai²nãn²tu³
yxo²ĩ²ki³tũ³ka³txi³ki³na¹xai²na² hxi²kan¹txi³
ĩ³hau³kot3hĩ³ki³sxa³wa².

6 A²nxe³jah¹la² kwẽn¹tai²na¹ yxo²ĩ²
ã³si³wxe³kxai²nãn²tu³ hxi²kan¹txi³
ĩ³hau³ko³tẽ³lxa³lho³la². Nxe³ke³la³te²kxai³:

— Kãin² yxo²ĩ²te²sa¹wi¹. Ain¹jau³su²
nxe³kxai²nãn²tu³ a²ẽ¹nãu³a² ĩ³yxo²kãin²ti³nha²sxã³
ko³nxe³ti³kãĩ³hĩ³nx2na³la². Nxe³ju³tan¹te²kxa³ya³lhu²
Sa³ta³na²jah¹la² ko³nxe³ti³ ĩ³yĩ¹li²kxa² yã¹nxe³sxã³
ko³nxe³ti³ ĩ³yĩ¹li²nũn³tu¹wa², Txa²wã¹sũ³na²
hxi²ka²sa³.

7 Nxe³kxa²yu³su² a²nũ²a² yxo²ĩ²ai¹nxa³te²a²
wi¹le³ai¹nxa³kxai²nãn²tu³ Sa³ta³na²jah¹la²
hi²sen³su² yxo²ĩ²tũ³ka³txai²na² ko³nxe³te²lo³jau³su²
ha³ta³nxe³ha³ta²wa².

Yxo²ĩ²tũ³ka³txa² ĩ²ũ³te²nãu³xa²

8 Txa²wā¹nũ³ka³txi³ki³na¹xa² yen³kxa²
wā²nhũ¹ki³ju³ta² o²la³kxi²ti³ten³ki³kxai²nān²tu³
txa²wā¹yxau²xai³ki³tāu³a² wi¹lhin¹sxā³ yxau³ye²
yau³ka³na³ka³nat³sxā³ a²ya³la³lyau³tu³ e³i²
yain³jau³xa² ũn³jau³xa² i³na²sxā³ we¹nxa³i² yen³kxa²
kwa² yxo²kwai³nxa³i² nxe³hĩn³ki³tā³la².

9 Txa²wā¹ẽ¹nāu³ai²na² au³txi³ Je³su²
Kris²tu³jah¹la² tah²lxi³ we¹tẽ³jah¹la² nxe³te²na²
wān³txa² so¹lxi³ sa²yxo²so¹sxā³ kãi³te²la³
hĩ³nx²na³la².

10 A²nxe³jah¹la² wa³ka³la² ã³xa² o²la³kxi²sān²sxā³
ain³sxā³ i²ain¹ki³kxai²nān²tu³ wi¹li²
wai³ni² nxe²na³na¹ ki³kxai²nān²tu³ hai³txi³
a²ko³nxe³ti³ kãi³ain¹ju³ta² i²ki³sxa³kxai²nān²tu³
nxe³hĩ¹na¹ yen³kxa² wā²nhũ²xai³ki³ju³ta²
o²la³kxi²ki³kxai²nān²tu³ wai³nhĩ³nx²na³la².

11 Nxa²ha¹te¹ te²yā¹nxe³sxā³ txu¹ti³nāu³xa²
a²yxau²xai³lain¹tāu³a² wi¹lhin¹sxā³
yxau³ain¹ye²ha²kxai³ wān³txa² ya²la³lyau³xa²
so¹lxi³ e³ha²kxai³ yain³jau³xa² ũn³jau³xa² i³na²sxā³
we¹nxa³ha²kxai³ a²wa³ka³li³yu³ta² wain³txi³
o²la³kxi²ha²kxai³ nxe³hĩ³nx²na³la².

12 A²nxe³jah¹lai²na² yen³kxa² wā²nhũ¹xai³ki³ju³ta²
o²la³kxi²jah¹la² sa²kxai³lu² txu¹ha² ka³na³ka³na³ta²
so¹lxi³ tẽ³ha²kxai³ a²wẽ³ha³lxai²na² whãi²na¹
wain³txi³ i³tih³nxe³ha²kxai³ nxe³hĩ³nx²na³la².
Nxe³sxā³ a²sxi²ha² yxau³ju³ta² wain³txi³
ĩ³hau³ko³tũ¹hĩ³nx²na³la².

13 Nxe³ha²kxai³ ju¹tai²na² ha³kxa¹
wain³txi³ o²la³kxi²ki³kxai²nān²tu³
wxa²nũ³ka³txai²na² wi¹le³kxi²nyhai¹nhĩ³nx²na³la².
Nxe³nyhain¹ju³tan¹te²kxa³ya³lhu² Je³su²

Kris²tu³jah¹lai²na² wān³txa² wxi²kan¹ton³sxā³
 i³tih³nxai¹nhī³nx2na³la².

Ā³no¹sa²tē³kxi²nē³jau³su²

14 Nxe³na¹jau³su² ũ³wha²li¹le¹nxa²ha¹wa².
 Ki³han³nxa³wa². Ye³jen¹na²wxā³sxā³i²nxa²ha¹ju³ta²
 ten³khaix¹sa³nha²wa².

15 Nxe³na¹ta¹ hxi²kan¹sa²nxa³ke³la³te²kxai³
 wān³txa² i³yau¹ū¹nxa²ha¹jau³xai²li² ā²la²
 a³la³kxi²hī³nxa¹lx². Je³su²jah³lai²na² wān³txa²
 yxo²i²tū³kā³txa² wain³txi³ yxau²xai³lain¹ju³ta²
 wi¹wi¹nxe² i³hau³ko³tū¹hai¹nhī³nxa¹lx².
 A²nxe³tū¹kā³txai²li² Txa²wā¹sū³na²
 ka³ten³yah¹la² a²sa³wi³ha³lxai²la¹wa².
 Ya²la³lyau³xan²tu³ Sū³na² wān³txi³su² ye²ha²kxai³
 ain³kxi²yxau²xai³tū³kā³txai²la¹wa².

16 Ya²la³tu³ Txa²wā¹sū³na² ā³ne³hi¹kxi³ju³ta²
 wa³lx³ju³ta²la¹wa². Nxe³ta¹ Je³su²jah³la²
 ā³nhxi²ka¹tē³jah¹lai²la¹wa².

A²nxe³jah¹la² a²nū²khai³hū³nxe²
 a³ka³nxi²ta¹hxai²ti³ai¹ti²tu³wa².

Te²yā¹nxe³sxā³ Txa²wā¹sū³na² Yāu³ka³txi³su²
 Jah¹lo²su² te²a² wi¹lhin¹sa²sai¹ye²kxe³su²
 i³tih³nxe³nē³ta¹hxai¹ti³ai¹ti²tu³wa².

Te²yā¹nxe³sxā³ oh³xan¹tū³kā³txa²
 i²ain¹ta¹hxai²ti³ai¹ti²tu³wa².

Je³su²jah³la² sa³wi³ha³lx² Sū³na² wān³txa²
 wi¹jau³xa² a²nū²a² yxo²ha³kxa¹

i³hen³txain¹ta¹hxai²ti³ai¹ti²tu³wa².
 A²nū²a² ha³lo²a² i²li³ko³xa² yxau³kxan²ti³

yxou²yah³lx³ta¹hxai²ti³ai¹ti²tu³wa².
 Nxe³te²kxa³kxa¹ oh³nāu³nū¹ka³na¹ wā³li²

ka³la³xi²ta¹hxai²ti³ai¹ti²tu³wa².

4

Wān³txa² ya²la³lha²ki³lxo³nxe³ki³jau³su²
 ĩ³tih³nxe³te²nāu³xa²

1 Jau¹xai²na² Txa²wā¹sū³na² Yāu³ka³txi³su² jah¹la²
 wi¹wi¹nxe² ĩ³yau¹ũ³nē³na²hē³la². Nxe³te³nah¹lx¹
 kxān³nāu³a¹ yxo²ĩ²tũ³ka³txi³nāu³xai²na²
 a²ha³tih³xa² Txa²wā¹sū³na² wān³txa²
 sa²yo²ā³ain¹tu¹wa². A²nxe³te²a² sa²yo²ā³ain¹ka³tũ³
 wān³txa² a²ta³a² ko³nxe³jah¹la² ā³ke³tũ¹ain¹jau³su²
 ain³kxain¹tu¹wa². Nxain¹kxai²nān²tũ³ a²ta³a²
 nũ³ka³txa² wān³txa² ĩ³tih³nxain¹jau³xa²
 ki³han³jau³xan²tũ³ yxo²ĩ²sxā³ sa²yo²we¹tain¹tu¹wa².

2 Jā¹nxe³sxā³ ki³han³jau³xai²li² ĩ³tih³nxain¹te²na²
 sa²kxai³lu² ki³han³jau³xa² so¹lx³ ĩ³tih³nxain¹tu¹wa².
 ĩ³tih³nxain¹kxan²ti³nũ¹ āin²ti³sxā³ ĩ²ā³ain¹ju³ta²
 te³nai¹nxa³lho³la².

3 A²nxe³te²a² nxe²e³kxain¹tu¹wa².
 Nxe³ain¹te³nah¹lx¹:

— Txu¹ha² so¹ki³ju³ta² wai³nxa³wi¹.
 Nũh¹yxau³ju³ta² so¹lx³ wain³na³li¹. Te²yā¹nxe³sxā³
 ka³yxuh³xa² sĩ³na² wā²nhĩ²yah³lx³txa³hē¹li¹.
 Nxe³jau³su² nxe³ain¹tu¹wa². Yxān¹ta¹

ki³han³jau³xai²la¹wa². Je³su² Kris²tu³jah¹la²
 yxo²ĩ²ki³kxai²nān²tũ³ wān³txa² wain³jau³xa²
 sa²yo²we¹ki³kxai²nān²tũ³ yain³txi³su² tā³nxa²
 ka³yxuh³sxu² tā³nxa² te²a² a²whāi²na¹
 wi¹na³la². Txa²wā¹sū³na² hxi²ki³kxai³lu²

we¹te²ju²hē³la². Nxe³ha²kxai³ wā²nhĩ²kxi²sxā³
 Sũ³na² ĩ³ka³lih³kxi²nē³jau³su² e³kxi²ki³kxai²nān²tũ³
 wain³na³la².

4 Nxe³ha²kxai³ Txa²wā¹sū³na² ka³yxuh³xa²
 we¹kxa² a²yo²ha³kxa¹ wi¹te²ju²hē³la².

Nxe³kxe³su² ĩ³ha¹txi²kĩ³kxai²nãn²tu³ Sũ³na²
 ĩ³wi¹lxo³kxi²nẽ³jau³su² ĩ³ye³kxi²kĩ³kxai²nãn²tu³
 en²kĩ³ju³ta² wai³nxa³wa².

⁵ Yxãn¹ta¹ e³kxi²kĩ³te³nah¹lxi¹:

— Txa²sũ³nãi³. Ka³yxuh³xai²li² ũ³hũ¹sa²nhĩ¹kxa²
 wi¹lxo³kxi²sa²sĩ¹nĩ¹nha²wi¹. Nxe³kĩ³kxai²nãn²tu³
 Sũ³na² yen³nãu³a² wi¹lye²ha²kxai³
 ĩ³wi¹lxo³kxi²nẽ³jau³su² ĩ³ye³kxi²kĩ³sa²kxai³
 ka³yxuh³xa² wã²nhĩ²kĩ³ju³ta² wain³na³la².

Je³su² Kris²tu³jah¹la² wain³txi³
ã³si³tẽ³kxi²kĩ³jau³su²

⁶ Nxe³jut³su² jau¹xai²na² yxo²ha³kxa¹
 txa²wã³tã³nãu³xa² ĩ³yau¹ũ¹txai¹nhẽ³la².
 Nxẽ¹kxai²nãn²tu³ Je³su² Kris²tu³jah¹la² wain³txi³
 ã³si³tẽ³kxin¹tu¹wa². Txa²wã¹sũ³na² wãn³txa²
 wain³txi³ yxo²ĩ² ĩ³tih³nxe³nxain¹jau³xa² wain³txi³
 ã³ne³wxe² nxẽ¹kxai²nãn²tu³ ã²la² kãi²non³sxã³
 yxo²ĩ²sxã³ yxau²xai³lin¹tu¹wa².

⁷ Nxe³yãn¹ta¹ wãn³txa² ya²la³tu³txa³jau³xa²
 ain³kxi²ti³he¹txa³hẽ¹la². Yxãn¹ta¹ wãn³txa²
 wi¹jau³xa² so¹lxi³ sa²yxo²we¹te³lhxã³ kãin²
 o²la³kxi¹sẽ¹la².

⁸ Txa²wã¹nũ²ai²li² sxĩ³nxũn³te³lhxã³
 o²la³kxi²kĩ³kxai²nãn²tu³ jũ¹nxe² wi¹na³la².
 Yxãn¹ta¹ Txa²wã¹sũ³na² wãn³txa² nũ³kxũn³txi³
 sa²yxo²we¹kĩ³kxai²nãn²tu³ ã²la² wi¹na³la².
 Nxe³kĩ³sĩ¹nãn¹te²tu³ txa²wã¹ẽ¹nãu³ai²na²
 ka³lih³kĩ³tã³la². Nxe³kĩ³ka³tu³ta¹ kxãn³nãu³a¹
 ka³lih³khaix¹nxe³kĩ³tu¹wa².

⁹ Jau¹xai²na² ya²la³tu³jau³xai²la¹wa². A²nũ²a²
 yxo²ha³kxa¹ ain³kxi²sxã³ yxo²ĩ²kĩ³jau³xai²la¹wa².

10 Jau¹xai²na² Txa²wã¹sũ³na² ka³ten³su²
 yxau³jah¹la² a²wãn³txi³khai³xai²la¹wa². Je³su²jah³la²
 wãn³txa² yxo²ĩ²ki³sa²kxai³ txa²wã¹ẽ¹nãu³ai²na²
 sa²hau³ko³tẽ³jah¹lai²la¹wa². A³ka³nxi²ju³ta²
 wah³nxe² yxau³ki³tã³la². Nxe³ha²kxai³
 khãuh³lxa³txi³nẽ³lain¹kxan²ti³ a²nũ²a² yxo²ha³kxa¹
 ain³kxi²te³lhxã³ o²la³kxi²sxã³ ĩ³hen³txain¹ki³tã³la².

11 Nxe³jut³su² a²nũ²a² yxo²ha³kxa¹ jau¹xai²na²
 ĩ³yau¹ũ¹txai¹nhẽ³la².

12 Nxa²ha¹te¹ sa³nxe³lxa³kxi³sin¹kxan²ti³
 yah³lon¹nxã²nxa³kxan²ti³ ĩ³ãn²txi³sxã³
 hxi²waun³txi³txa³hẽ¹la². Yxo²ĩ²tũ³ka³txa²
 yxo²ha³kxa¹ĩ²nxai¹nha²kxai³ĩ³tih³nxai¹nĩn¹jah¹lo²sin¹tu¹wa².
 Wãn³txa² wain³jau³xa² so¹lxi³ ĩ³ye³i² wain³ju³ta²
 so¹lxi³ o²la³kxi²nyhu¹i² a³lxi²waun¹nyhu¹i²
 Txa²wã¹sũ³na² wãn³txa² kan²txi³ sa²yo²we¹txi²
 wxa²ẽ¹nãu³ai²nãn¹jau³xa² Txa²wã¹sũ³na² wãn³txa²
 yã¹nxe³jau³xa² wã²nxũ¹hain³nha² nxe³sẽ¹la².

13 Ye³jen¹na² wxã³na¹tu¹wa². Hĩ¹na²
 hxi²kan¹sa²nxa³nha²wa². Nxe³sa²nxa³hĩ¹nai²na¹
 wxã¹na² sa²kxai³lu² a²nũ²a² yxo²ha³kxa¹
 sa²nũ³tai¹nhẽ³la². Nẽn¹kxai²nãn²tu³ Txa²wã¹sũ³na²
 ha³teh³nxã³nxa² ĩ²sxã³ ĩ³ye³kxi¹tai¹nhẽ³la².
 Wãn³txai²li² wain³txi³ sa²yo²wet¹si¹hain¹jau³su²
 ĩ³yau¹ũ¹txai¹nhẽ³la². Wãn³txa² wa³lxe³jau³xa²
 ĩ²in¹kxai²nãn²tu³ wain³txi³ ĩ³tih³nxe³txai¹nhẽ³la².

14 Txa²wã¹sũ³na² ĩ³hxi²ka¹txa²ju³ta²
 nxe³wãn²txa³hẽ¹la². Ain³kxi¹xi²khaix¹nxe³sẽ¹la².
 Kxã³nhxĩ¹nai³tã² yxo²ĩ²te²a² hxi²kan¹txi³nãu³xa²
 a²hxi²ka² wxa²ne³hẽ¹nhain¹tai¹ti²tu³wa².
 Nxe³nxain¹te³nah¹lxi¹:

— Txa²wã¹sũ³na² ĩ³hxi²ka¹txa²ju³ta² hĩ¹na²

ã³si³wxe²na³li¹. Nxain¹tai¹ti²tu³wa².
 15 Nxe³jau³xai²na² ĩ²khai¹nxe³sẽ¹la².
 Wãn³txa² yxo²ha³kxa¹ sa²yxo²we¹txa²hẽ³la².
 Nxẽn¹kxai²nãn²tu³ wxa²nũ³ka³txai²na² wain³txi³
 kãi³in¹ju³ta² ĩ²nxain¹tu¹wa².

16 ĩ²nxai¹nha²kxai³ wãn³txa² e³in¹jau³xa²
 wi¹lĩ²ĩ¹nha²kxai³ ĩ³yau¹ũ¹hai¹nĩn¹jau³xa²
 wi¹lĩ²ĩ¹nha²kxai³ nxe³sẽ¹la². Kõ³nxe³ti³
 o²la³kxin¹kxa²yan³txi³sa². Nxẽn¹kxai²nãn²tu³
 wxa²nũ³ka³txa² yxo²ha³kxa¹ Txa²wã¹sũ³na²
 wãn³txa² yxo²ĩ²ah³lxin¹kxai²nãn²tu³
 wxa²e¹nãu³ai²na² sa²hau³ko³ta²lxi³tu¹wa².

5

Yxo²ĩ²tũ³ka³txa² wi¹kãi³waun¹nyhu¹kxi³jau³su²

1 Nxa²ha¹te¹ in³txa² yah³lon¹te²su² te²a²
 yxo²xũn³sxã³ ĩ³kwai²kxain¹txa³hẽ¹la². Wxa²wĩ³na²
 hũ³nxe²ĩ³tih³nxe³txai¹nhẽ³la². Sa³nxe³la³ku³su² te²a²
 wxa²lon³hũ³nxe³ĩ³tih³nxe³txai¹nhẽ³la².

2 Te²yã¹nxe³sxã³ txu¹ha² a³ka³lxon¹te²a²
 wxa²hã³ka³na² hũ³nxẽ¹nha²kxai³ wãn³ta²su²
 te²a² wxa²ha³lĩn³ta³ka³lxu³hũ³nxẽ¹nha²kxai³
 nxẽn¹ka³tu³ ĩ³tih³nxe³txai¹nhẽ³la². Kõ³nxe³jau³su²
 e³kxi²nha²txa³hẽ¹la².

3 Wã³ha³te³sa³ka³lxu³khai³xa² wi¹lĩ²txai¹nhẽ³la².
 Yen³kxa² wxa²hau³kot3sxã³ wã²nhũ¹txai¹nhẽ³la².

4 Yxãn¹ta¹ a³ka³lxon¹ta¹ka³lxa²
 wã³ha³te³son³ta¹ka³lxa² sa²kxai³lu² a²wẽ³ha³lxa²
 yũ³ta³nxa² a²sa³wi³ha³lxa² yũ³ta³nxa²
 ĩ²txa²sã²nhẽ³la². Yũ³kxai²nãn²tu³ nxe³tũ³ka³txai²li²
 wi¹lĩ²txai¹lxa². Nxe³te²na² hxi²ki³kxai³lu²
 sa²hau³ko³tain¹ju³ta² a²ha³lo²ai²la¹wa².
 Kxã³nhxĩ¹nai³tã² kãi²nxa³sxã³ txo¹nai¹nxa³hĩ¹nai³tã²

a²ha³ka³na² hxi²ka² sa²hau³ko³tain¹te²ju²hē³la².
 Nxe³kxa²ha³tih³xan²tu³ hī¹nai²na² wē³ha³lxa²
 hxi²ki³kxai³lu² wā²ha³te³son³ta¹ka³lxa² hxi²nūn¹
 sa²wa³li²ju³ta² wain³na³la², Txa²wā¹sū³na²
 yen³nāu³a²sa³.

5 Jā¹nxe³jut³su² wā³ha³te³son³ta¹ka³lxu³khai³xa²
 a²sa³wi³ha³lxa² yū²nxa³ha²kxai³ Txa²wā¹sū³na²
 a³ka³nxi²ju³ta² wah³nxe²na³la². Ā³nhxi²ka¹nxa³ju³ta²
 ī³ye³kxi²na³la². Nxe³sxā³ ka³nxah³ta² ī³ye³kxi²
 a³lan²ta² ī³ye³kxi² nxe²na³la², Txa²wā¹sū³na²
 ne³nxē³na²sa³.

6 Yxān¹ta¹ wā²nxūh¹ta¹ka³lxa²
 so¹lxi³ ī³ka³lih¹ti²nha²kxai²nān²tu³
 Sū³na² ī³ye³kxi²to³xa³kxai²nān²tu³
 nxe³ta¹ka³lxai²na² a²ē¹nāu³ai²na² ya³lu²te²hū³nxe²
 yxau²xai³te²ju²hē³la².

7 A²nxe³jut³su² jau¹xai²na² yxo²ha³kxa¹
 wxa²nū³ka³txai²li² ī³tih³nxe³txai¹nhē³la².
 Nxai¹nīn¹kxai²nān²tu³ a²nū²a² ā³xa² hxi²kan¹txi³
 ko³nxe³ti³ e³ai¹nxa³lho³la².

8 A²nxe³jut³su² a²yah³la²nāu³su² tā³nxa²
 a²xa³ka³lxu²nāu³su² tā³nxa² a²nū³ka³txa²
 sa²hau³ko³ta¹nxa³kxai²nān²tu³ Je³su² Kris²tu³jah¹la²
 wān³txa² e²nai¹nhī³nx2na³la². Je³su²jah³lai²na²
 wān³txa² yxo²i²xa³te²a² wi¹wa³to²hi²hī³nx2na³la².

9 Jā¹nxe³ju³kxai³la¹ wā³ha³te³son¹ta¹ka³lxa²
 ye³ka³lxa¹txi³ kwē³kon³sxā³ txa²wā¹hxi²ka²
 hxan³sxā³ ye³ha¹li¹ ye³ha¹li¹ ye³ha¹li¹
 wxa²sa²wa²la³kxi²xi²nūn³sxā³ kwē³kon³sxā³ 60
 nxe² kwē³kon³sxā³ yxau²xai³ta¹ka³lxa² so¹lxi³
 a²i³lxa² ũ³wha²li¹lhxā³ ā³nhau³ko³txai¹nhē³la².
 A²nxe³ta¹ka³lxa² kxā³nxai³kxai³ in³txa²

ka³na³ka³na³te²a² so¹nhya¹sxã³ yxau²xai³lah³na²hẽ³la².

10 A²nxe³ta¹ka³lxa²kxai³la¹ wi¹ju³ta² so¹lxi³
 kãi³ha²kxai³ a²nũ²a² yxo²ha³kxa¹ wi¹le³kxi²
 kxã³nHXi¹nai³kxai³ wẽ³ha³lxa² wi¹wain³txi³
 wã²lo³ti² a²nũ²a² ha³la³ka³lxa³lon³te³lhxã³
 wxã³kxai²nãn²tu³ ũ³nyhai¹ti² a²nũ²a² yxo²i²te²a²
 wxa²yu³hĩn³ta³kxi² a²nũ²a² khãuh³lxa³thin¹te²a²
 ã³non²ta³kxi² wi¹lo²la³kxi²ju³ta² so¹lxi³ kãi³i²
 nxe³ta¹ka³lxa² i³lxa² so¹lxi³ ũ³wha²li¹lhxã³
 ũ³hau³ko³tai¹nhẽ³la².

11 Yxãn¹ta¹txu¹ha² wã³ha³te³son³ta¹ka³lxa² kwa²
 a³ka³lxo¹nxa³ta¹ka³lxa² i³lxa² ũ³wha²li¹txa³hẽ¹la².
 Nxe³ta¹ka³lxa² ye³jen¹nãu³a² in³txa²
 yxo²kwai³nai¹nha²kxai³ Je³su²jah³la² wãn³txa²
 a³lxi²nxa³ha²kxai³ in³txa² ã¹so¹hĩ³nx2na³la².

12 Nxe³kxai²nãn²tu³ a²wãn³tai³tã² e³kxi²jau³xai³tã²
 sa²yo²ã³ha²kxai³ wã²nxũh¹lxi³hĩ³nx2na³la².

13 Nxain¹kxai²nãn²tu³ sxi²ha² ai³lha²thet3sxã³
 u³txi³ wa³ko³nai¹nhĩ³nx2na³la². Nxe³sxã³
 kwa²wãn³txa² ya²la³lhxã³jau³xa² kwa²
 hen³txai¹nhĩ³nx2na³la². Nain¹kxa²yu³su²
 wxa²nũ³ka³txa² i³ki³ha¹kxi²sxã³
 ko³txe²lo³nx2tai¹nhĩ³nx2na³la².

14 Nxe³jut3su² ha²kxai³ wã³ha³te³sa³ka³lxa²
 a³ka³lxo¹nxa³te²a² e³kxai¹na¹te³nah¹lxi¹:

— In³txa² ã¹so¹txu¹ni¹. Wẽ³nhĩn¹kxai²nãn²tu³
 wẽ³sa² wi¹we¹txa²hẽ³ni¹. Wxa²sxi²ha²
 wi¹lhau³ko³txa²hẽ³ni¹. Nĩn¹kxai²nãn²tu³ hxi²kan¹txi³
 ko³nxe³te²lo³txa²nxa³lho³ni¹. Nxai¹nhĩ³na¹wa².

15 Jã¹nxe³jut3su² wã³ha³te³son³ta¹ka³lxa²
 a²ha³tih³xa² Txa²wã¹sũ³na² wãn³txa²
 sa²yo²ã³ha²kxai³ Sa³ta³na²jah¹lai²na² wãn³txa²
 sa²yo²we¹tha²kxai³ nxe³hĩ³nx2na³la².

16 Jã¹nxe³jut3su² txu¹ha² a³ka³lxo¹nxa³te²a²
 hi²sen³su² a³ka³lxon¹te²na² a²hã³ka³nũ²su² ta³nxa²
 a²hã³nũ²su² ta³nxa² ka³ten³su² yxau³kxai²nãn²tu³
 nxe³te²a² sa²kxai³lu² wi¹lhau³ko³txai¹lxa²
 Nxain¹kxai²nãn²tu³ yxo²i²tũ³ka³txai²na²
 sa²kxai³lu² wã³ha³te³son³ta¹ka³lxu³khai³xa² so¹lxi³
 wi¹lhau³ko³tai¹nhĩ³nx2na³la².

17 Nxa²ha¹te¹ wxa²hxi²kan¹txi³nãu³xa²
 wi¹lo²la³kxain¹kxai²nãn²tu³ sa²nẽn¹kxi²sxã³
 ã³yho³hai¹nĩn¹ju³ta² wai³nhĩ³nx2na³la².
 Txa²wã¹sũ³na² wãn³txa² wain³txi³i³tih³nxe³ha²kxai³
 wa³lxe³jau³xa² i³yau¹ũ¹ha²kxai³ nxain¹kxai²nãn²tu³
 nxe³txai¹nhẽ³la².

18 Txa²wã¹sũ³na² ã³wha²li¹txã³nxai³tã²
 e³te³nah¹lxi¹;
 — Po¹nai²li² yain³ta³ki³a² tĩ³lo³te³lhxã³
 tĩ³ha³te³kxi²xai³tãu³a² sa²yxo²tai³txa³hẽ¹li¹.
 Jã¹nxe³sxã³yau³xã³xa²sa¹;

— A²nũ²a² wa³kon³kxi²nẽ³lain¹kxai²nãn²tu³
 ã³yho³hain¹ki³ju³ta² wain³na³li¹. Txa²wã¹sũ³na²
 ã³wha²li³txã³nxai³tã² nxe³ta¹hxai²ti³ai¹ti²tu³wa².

19 A²nũ²a² wxã³sxã³ wxa²hxi²kan¹te²a²
 ko³nxe³ti³ e³kxi²kxai²nãn²tu³ ain³kxi²txa³hẽ¹la².
 A²nũ²a² ka³na³ka³na³te²a² wxã³kxan²ti³
 ain³kxain¹txa³hẽ¹la² Yxãn¹ta¹ a²nũ²a²
 ha¹li¹ ka³na³ki² nxe²e³kxain¹kxai²nãn²tu³
 ain³kxi¹txai¹nhẽ³la².

20 Wxa²nũ³ka³txai²na² ha³tih³xa² ko³nxe³ti³
 kã³ain¹to³kxai²nãn²tu³ ã³nũ²kxi¹txai¹nhẽ³la².
 Ai¹nĩn¹kxai²nãn²tu³ jah¹la² e³lai²na¹
 i³kwai²kxi¹txai¹nhẽ³la², a²nũ²a²ka³lxa¹txi³ko³nxe³ti³
 kã³ain¹kxa²yã³ti³sa². Nxe³sxã³wi¹kã³ain¹tu¹wa².

21 Nxe³na¹jut3su² jau¹xai²na² a²yxo²ha³kxa¹
 sa²yxo²we¹txa²hẽ³la². Wãn³txa² yau³jũ¹jau³su²

kxan²ti³ sa²yxō²ā³txa³hē¹la². A²nū²a² ī²li³te²a²
 sa²yxō²ā³si¹nxain¹jau³su² ī³ye³kxi¹nxa²kxan²ti³
 ain³kxain¹txa³hē¹la², hxi²kan¹jah¹lo²su² kxan²ti³na².
 Nxe³jau³xai²li² ī³kwa³na³nxa²ha¹wa². Txa²wā¹sū³na²
 Si³yxau³jah¹lai²na² a²ye³na² Je³su² Kris²tu³jah¹la²
 Txa²wā¹hxi²kan¹ta² Si³yxau³jah¹lai²na² a²ye³na²
 oh³xan¹tū³kā³txa² wi¹lhin¹te²ai²na² a²ye³na²
 ī²sain¹jau³su² ī³ye³kxi¹nxa²ha¹wa².

22 Wxa²hxi²kan¹ti³su² te²a² ī²sxā³
 sa²so¹ti³ten³nxa²kxai²nān²tu³ wa³su³txa³hē¹la².
 Jū¹nxe² ha³lo³kxit¹sā²nhē³la², kō³nxe³ti³
 kāi³ju³ta² kāi³yxau²xai³te²sa² kxa²yan³txi³sa².
 Nxe³te²su² kxai²nān²tu³ wxāin²txi³
 a²hxi²ki³te²la³nū³nhī³nxa¹lxa².

23 Wxa²ē¹nāu³ai²na² ī³ton³nxa²to³ha²kxai³
 ī³yau³xa² so¹lxi³ ī³na²txa³hē¹la². Yxān¹ta¹
 u²va²yau³xa² jū¹nxe² ī³na¹sē¹la².

24 Jā¹nxe³jut³su² a²nū²ai²li² kō³nxe³ti³ kāi³sxā³
 yxau²xai³te²na² sa²kxai³lu² a²wā³ki³kxai³
 e³lxah²lxi³ ha²kxai³ a²wā³ki³kxai³ hāi³a²
 kāi³ha²kxai³ nxe³te²ju²hē³la². E³lxah²lxi³sxā³
 kāi³ain¹kxai²nān²tu³ wxāi²kxai³ hxi²kan¹ti³
 ī³kwa¹2kxai¹nhī³nxa¹lxa². Yxān¹ta¹ hāi³a²
 kāi³ain¹kxai²nān²tu³ a²yan¹nāu³a² so¹lxi³ kō³nxe³ti³
 kāi³ain¹ju³ta² e³lxah²lxi³tu¹wa².

25 Te²yā¹nxe³sxā³ a²nū²a² wi¹kāi³te²na²
 sa²kxai³lu² a²wā³ki³kxai³ e³lxah²lxi³ ha²kxai³
 a²wā³ki³kxai³ a²yan¹nāu³a² so¹lxi³ wi¹kāi³ain¹ju³ta²
 e³lxah²lxi³tu¹wa².

6

1 A²nū²a² a²wa³kxēn³yah³lo²lot³sxā³
 yxau²xai³te²na² sa²kxai³lu² wi¹wa³kon³kxi²ha²kxai³

a²hxi²kan¹jah¹lo²khai³xa² ĩ³sa²nĕn¹kxi²ha²kxai³
 nxe³txai¹nhĕ³la². Nxain¹kxai²nĕn²tu³ a²nũ²a²
 ĩ²li³te²a² Txa²wā¹sũ³na² ĩ³lxa² ta³nxa² a²wān³txa²
 ĩ³yau¹ũ¹nxa²ha¹jau³xa² ta³nxa² kq̄³nxe³te²lo³te²a²
 yũ²nxa³lho³la².

2 Te²yā¹nxe³sxā³ a²wa³kxĕn³yah³lai²li²
 Txa²wā¹sũ³na² wān³txa² sa²yxo²we¹kxai²nĕn²tu³
 a²wa³kxĕn³yah³lo²lot3sxā³ yxau²xai³jah¹lai²na²
 hi²sen³kxai³lu² nxe³te³nah¹lxi¹:

— Kwa³na³sa²jah¹la² Je³su²jah³lai²na²
 wān³txa² sa²yxo²we¹jah¹lo²su² nũ³nha²kxai³
 txa²wā³tā³xai²la¹wi¹. Nxe³ha²kxai³
 wi¹wa³kon³nxa³kxan²ti³ wain³na³li¹. Nxe³jau³su²
 kxai²nĕn²tu³ wai³nxa³wa². Yxān¹ta¹
 yxo²ĩ²jah¹lo²su² nũ³nha²kxai³ ā²la² nũ³kxūn³txi³
 ā²la² wi¹wi¹nxe² wa³kon³kxain¹ju³ta² wain³na³la².
 A²wa³kxĕn³yah³lai²li² Je³su²jah³lai²na² Wān³txa²
 yxo²ĩ²ha²kxai³ txa²wā³tā³su² hĩ³nx2na³la².
 Jā¹nxe³jau³jau¹xai²li² ĩ³tih³nxe³txai¹nhĕ³la².

Wān³txa²ya²la³yau³xa² ĩ³tih³nxe³jau³su²

3 Jā¹nxe³na¹jau³su² a²nũ²a² ĩ²li³te²a²
 wān³txa² yau³xā³xa² tē³sxā³ wxā³kxai²nĕn²tu³
 ĩ²khai¹nxet3sā²nhĕ³la². Je³su² Kris²tu³jah¹la²
 Txa²wā¹hxi²kan¹ta² Si³yxau³jah¹lai²na²
 wān³txain²txi³ wān³txa² ĩ³tih³nxe³nxa²ha¹jau³xa²
 wi¹lhin¹sxā³ yxau²xai³kj³jau³xa² wān³txain²txi³
 hāix¹jau³xa²yāx¹te²jai¹ti²tu³wa². Yxān¹ta¹
 kwĕn¹tai²na² wxā³jah¹lai²na² wān³txa²
 yau³xā³lxi³ti³ e³kxai²nĕn²tu³ ain³kxain¹txa³hĕ¹la².

4 A²nxe³jah¹la² wān³txa² yxo²kāin²e³jah¹lai²la¹wa².
 Hai³txi³ ā³ne³wxe³ti³he¹xai¹nhĩ³nx2nxa³wa².

A²wān³txa² so¹lxi³ kwa² toh¹lxe¹hĩ³nx2na³la².
 Nxe²e³kxai²nān²tu³ i³xan³ta³kxi²nyhu¹i²
 i³kāi²non³nha²si¹jau³su² yxo²xūn³txi³ i³ye³kxi²
 kwa²he¹kxi²nyhu¹i² ko³nxe³te²lo³kxi²nyhu¹i²
 a²nũ²a² ā³xa² yxo²i²xa³sxā³ i³wā³wā³ta³kxi²nyhu¹i²
 nxe³jah¹lo²su² hĩ³nx2na³la².

5 Jā¹nxe³te²a² a²ē¹nāu³ai²na² ko³nxe³ti³
 ain³nha²ju³ta² so¹lxi³ yũ³ha²kxai³ wān³txa²
 ya²la³lyau³xa² i³tih³nxai¹nxa³ha²kxai³
 nxe³ju³tan¹te²kxa³ya³lhu² an³ta³txi³
 i³ye³ye³kxi²nyhu¹ain¹na³la².

— Kāin² yen³kxi³nha²te³lhxā³ yxo²i²a¹tũ¹xā¹.
 Nxe³jau³su² nxe³hĩ³nx2na³la².

6 Jā¹nxe³jut3su² Txa²wā¹sũ³na² wān³txa²
 yxo²i²ki³kxai²nān²tu³ txa²wā¹ē¹nāu³ai²na²
 wi¹lhin¹sxā³ hāu²no³nha²hĩ³ki³tā³la². Nxe³ju³ta²li²
 yen³kxi³nha²ju³ta² ā³wa²to²hi²sxā³ wi¹la² ai²na³la².

7 Nxe³sxā³ kxā³nxai³tā² txa²wā¹wē³sī¹nai³tā²
 yen³kxa² tē³sxā³ a³li³lah¹kxi³sxa³tai¹ti²tu³wa².
 Te²yā¹nxe³sxā³ yah³lon¹sxā³ ya³lu²ki³tāu³a¹
 yen³kxa² tē³ki³sxa³lho³la².

8 Nxe³ha²kxai³ yain³txa² yũ³ki³sa²kxai³ sxi²ha²
 yũ³ki³sa²kxai³ nxe³ki³te²a² so¹lxi³ ān³nhi³nx2na³la².

9 Yxān¹ta¹ yen³kxa² yxo²kwain³jah¹la² sa²kxai³lu²
 ko³nxe³ti³ wā²nxū¹hain³nha² ā³si³wxe³hĩ³nx2na³la².
 Nxain¹kxai²nān²tu³ hā²wxān³txa³ tih³nai²li²
 ko³nxe³ti³ ain³nhein¹tih³na² ai³kxai²nān²tu³
 khāuh³lxa³thin¹sa²tē³tu¹wa².

10 Jā¹nxe³sxā³yen³kxa²yxo²kwain³kxi²ki³kxai²nān²tu³
 ko³nxe³ju³ta² ka³lxa¹txi³ wxā³kxi²nē³na³la².
 Jā¹nxe³jut3su² yxo²i²tũ³ka³txa² a²ha³tih³xa² yen³kxa²
 kāin² yxo²kwai³nai¹nha²kxai³ Txa²wā¹sũ³na²

wãn³txa² sa²yxo²ã³ain¹na²hẽ³la². Nxe³ai¹nha²kxai³
kuh³lxa³thin¹khai¹xain¹na²hẽ³la².

Pau²lah³la² a²yxo²wãn³txa² Ti³mo²jah³la²
ĩ³yau¹ũ³jau³su²

11 Yxãn¹ta¹ wxã²na² sa²kxai³lu² Txa²wã¹sũ³na²
sa³wit3si¹nha²kxai³ ju¹tai²na² yxo²ha³kxa¹
ã³na¹txa²hẽ³la². Nxĩn¹kxai²nãn²tu³ wain³ju³ta²
so¹lxi³ ãn³ten³txa²hẽ³la². Wi¹lhin¹ju³ta²
so¹lxi³ kãi³txa²hẽ³la². Txa²wã¹sũ³na²
wãn³txa² kan²txi³ yxo²ĩ²txa²hẽ³la². A²nũ²a²
yxo²ha³kxa¹ a³lxi²khai¹nxe³tai¹nhẽ³la². Kõ³nxe³ti³
e³kxi¹nxain¹kxan²ti³ ya³nãn³ta³ki²la²sxã³
wain³txi³ kãi³txa²hẽ³la². Hã¹sxã³ thã³ti³la²
wi¹kãi³txai¹nhẽ³la².

12 A²nũ²a² nũ³kxũn³txi³ ã³nhe¹kxi²nyhu¹kxa²
yã¹nxe³sxã³ nũ³kxũn³txi³ ã³nhe¹kxit1sxã³
kõ³nxe³ju³ta² ã³na¹txa²hẽ³la². Txa²wã¹sũ³na²
wãn³txa² ka³ten³yau³xa² hxi²ki³kxa² yã¹nxe³sxã³
ain³so¹khai¹nxe³sẽ¹la². Nxe³sih¹nxã²jau³su²
Txa²wã¹sũ³na² ĩ²sxã³ ĩ³so¹nxã²tai¹ti²tu³wa².
Nxe³sxã³ kxã³nhxĩ¹nai³tã² yxo²ĩ²
ã³si³wxe¹ĩ¹nhĩ¹nai³tã² a²nũ²a² ka³lxa¹txi³
ĩ³hen³txai¹nĩn¹tai¹ti²tu³wa². Te²yã¹nxe² ãh¹
o²la³kxi¹to³hẽ¹la².

13-14 Nxe³na¹jau³su² wãn³txa²
e³kxi¹nxã²ha¹jau³xai²li² a²yxo²ha³kxa¹
sa²yxo²we¹txa²hẽ³la². Nxĩn¹kxai²nãn²tu³
kõ³nxe³te²lo³txa²ju³ta² yũ²nxã³lho³la².
Nxe³jau³xai²li² txa²wãn³txi³sxa³wa². Txa²wã¹sũ³na²
wãn³txai²la¹wa². Je³su² Kris²tu³jah¹la²
wxã²nxã³tã³lxa¹ nxe²kãi³txa²hẽ³la². Jau¹xa²
yxo²ha³kxa¹ Txa²wã¹sũ³na² Si³yxau³jah¹la²

ka³ten³yau³ta² ũ³hũ¹ně³lain¹jah¹la² ĩ²nxa²na³la².
 Te²yã¹nxe³sxã³ Je³su² Kris²tu³jah¹la² a²wãn³txa²
 ka³ten³yau³xa² sa²kxai³lu² Põn³si³o³ Pi³la²jah³lai¹tã²
 ĩ³hen³txi³te³nai¹ti²tu³wa². Jã¹nxe³sxã³ Je³su²
 Kris²tu³jah¹lain²txi³ ĩ²nxã²nũ³na³la².

15 Jã¹nxe³jut³su² ye³jen¹na² Kris²tu³jah¹la²
 a³ka³nxi²tã³a² wã²nã³ũ¹nhẽ³lain¹tu¹wa².
 Txa²wã¹sũ³na² Si³yxau³jah¹la² wi¹lhin¹khaix¹jah¹la²
 kãin²khaix¹nx²na³la². Ā²la² kãin² ã³sen³sai¹jah¹la²
 yũ²nxa³wa². Nũ³kxũn³khaix¹jah¹lai²la¹wa². A²nũ²a²
 a²wa³kxẽ³nxa² kãin²na³la². Yxã¹ta¹ jah¹lai²na²
 sa²kxai³lu² a²wa³kxẽ³ti³nãu³xai²na² yxo²ha³kxa¹
 a²wa³kxẽ³nxa² a²si³yxau³jah¹lo²la²na³la².

16 Jah¹lai²na² so¹lx³ ya³lu²ju³ta²
 yũ³ti³hex¹jah¹lo²sxa³wa². Ha²te¹ti³hũ³ju³ta²
 so¹lx³ yxau²xai³jah¹lai²la¹wa². Ka³nxah³ju³ta²
 yũ³jah¹lo²sxa³wa². A²nũ²a² hxi²kan¹txi³
 ĩ²nxũn³kxi²ti³he¹nxe³hĩ³ki³sxa³wa². A²nũ²a²
 ĩ²ti³he¹jah¹lo²sxa³wa². Hxi²kan¹txi³
 ĩ²ki³sxa³jah¹lo²su² na³la². A²nũ²a² yxo²ha³kxa¹
 sa²nẽn¹kain¹tu¹wa². Nũ³kxũn³ju³ta² ne³ki³son³sxã³
 hxan³kxi²nxa³lho³la². Nxe³te²sẽ¹la².

17 Nxa²ha¹te¹ hĩ¹na²su² a²nũ²a²
 yen³kxi³khaix¹te²a² e³kxi¹txai¹nhẽ³la².
 E³kxai¹nĩn¹te³nah¹lx¹:

– A²nũ²a² yen³kxi³txa²te²a² nxe²e³kxain¹yah³lx³txa³hẽ¹li¹.
 “Txai²na² kãin²te²sa¹wi¹. Wxa²nũ³ka³txa²
 kãi²nxa³wi¹.” Nxe³yah³lxin¹jau³su²
 e³yah³lx³txa³hẽ¹li¹. Yen³kxa² wa³su³txi³
 hxan³kxi¹nx²ti³ha³tai¹. Yxã¹ta¹ Txa²wã¹sũ³na²
 yxo²ĩ²jah³lx³hẽ¹li¹. Yah³lxin¹kxai²nãn²ty³
 wxa²ẽ¹nãu³ai²na² sa²hau³ko³txa²lx³tu¹wi¹.

Nxe³yah³lxin¹kxai²nān²tu³ ka³lih³kxi²txi³
 wi¹lhin¹yah³lxi¹nha²kxai³ yen³kxa²
 yxo²kwain³yah²lxan³tho³li¹.

18 Yah³lxi¹nha²kxai³ wi¹lhin¹kxi³ju³ta² so¹lxi³
 o²la³kxi¹jah³lxi³hē¹li¹. Wxa²yen³kxa² a³lxi²nxa³sxā³
 wā²nhū¹txai¹yah³lxi³hē¹li¹.

19 Yah³lxin¹kxai²nān²tu³ kxān³nāu³a¹ kxan²ti³
 ka³ten³su² yxau³ki³tāu³a¹ yen³kxa² wi¹ju³ta³nū³a²
 kāin²yū³tu¹wi¹. Nxe²e³kxi¹txai¹nhē³la².

20 Ti³mo²jah³lāi³. Txa²wā¹sū³na² wān³txa²
 e³kxi¹nxa²jau³xa² yxo²ha³kxa¹ sa²yxo²we¹txa²hē³la².
 A²nū²a² ā³xa² toh³lxa³te³ain¹jau³xa²
 i³wa²lū³xain¹txa³hē¹la².

— A²hoh³lxi³sa¹wi¹. Ain¹kxan²ti³
 ā³ne³wxe³ai¹nxa³ha²kxai³ i³wa²lū³xain¹txa³hē¹la².

21 A²nū²a² nxe²kāi³te²a² yū²na³la². Kāi³sxā³
 Je³su²jah³lai²na² wān³txa² ā³na¹ain¹na²hē³la².
 Jā¹nxēn¹kxa²yan³ti³su² na¹jau³xai²li²
 i³ye³ye¹nxa²ha¹wa². Txa²wā¹sū³na²kxai³lu² kāin²
 thāi³ti³la² a³lxi¹nxa²ju³ta² ten³sa³nha²wa². Txai²na²
 Pau²lah³lo²na¹xai²na² ta³lun²ye¹nxa²ha¹wa².

Txa²wã¹sũ³na² Wã³txa²
New Testament in Nambikuára, Southern
(BR:nab:Nambikuára, Southern)

copyright © 2012 Wycliffe Bible Translators, Inc.

Language: Nambikuára, Southern

Translation by: Wycliffe Bible Translators, Inc.

Nambikuára, Southern [nab], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nambikuára, Southern

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

5198f7a7-ab9d-5d69-b112-d94960f81d2a